

Disediakan untuk: _____ Tarikh cetakan pada: _____

LEMBARAN PENDEDAHAN PRODUK

(Sila baca Lembaran Pendedahan Produk ini sebelum anda memutuskan untuk mengambil Insurans Kredit Perdagangan. Pastikan anda juga membaca terma dan syarat am yang berkenaan)

Penyedia Perkhidmatan : **Allianz General Insurance Company (Malaysia) Berhad (“Allianz”/“Kami”)**
Kewangan
Nama Produk : **Insurans Kredit Perdagangan**

1. Apakah produk ini?

Polisi ini menyediakan perlindungan terhadap risiko yang boleh berlaku jika pembeli anda gagal membayar barangan atau perkhidmatan yang disediakan oleh anda sebagai penjual.

2. Apakah jenis perlindungan/manfaat yang disediakan?

Risiko yang Dilindungi termasuklah:

- (a) Risiko Komersial. Ini merujuk kepada kegagalan pembeli untuk membayar hutang kredit perdagangannya dalam tempoh kredit yang dipersetujui, sama ada disebabkan oleh masalah kewangan sementara atau akibat daripada pembeli tersebut menjadi muflis.
- (b) Risiko Politik. Jenis risiko ini dihadapi oleh syarikat yang mengeksport. Contohnya bencana alam, perang di negara pembeli; pembatalan kontrak oleh kerajaan negara pembeli; atau peraturan-peraturan kerajaan seperti sekatan atau kuota yang menghalang eksport import barangan.
- (c) Tempoh: Insurans Kredit Perdagangan berkuatkuasa untuk suatu tempoh masa, iaitu selama tempoh 12 bulan. Tertakluk kepada pembaharuan tahunan.

3. Berapakah jumlah premium yang perlu saya bayar?

Jumlah premium yang perlu anda bayar mungkin berbeza bergantung kepada sifat terma pembayaran perniagaan, jumlah jualan kredit, risiko negara & kebolehpercayaan kredit pembeli anda.

- Anggaran Perolehan yang hendak diinsurans RM _____ x kadar premium _____%
Anggaran premium tahunan yang perlu anda bayar adalah: RM _____

4. Apakah yuran dan caj yang perlu saya bayar?

Jenis	% / Amaun
• Komisen dibayar kepada perantara insurans (jika ada)	• 15% daripada Premium Kasar
• Duti setem	• RM10.00
• Cukai Perkhidmatan	• 6% daripada premium
• Yuran Penarafan Kredit	• RM kadar _____ bagi setiap Pembeli bagi setiap Tahun

5. Apakah terma dan syarat penting yang perlu saya ambil kira?

- **Kepentingan pendedahan**

- **Kontrak Insurans Bukan Pengguna**

Menurut Perenggan 4(1) Jadual 9, Akta Perkhidmatan Kewangan 2013, jika anda memohon Insurans ini bagi tujuan yang berkaitan dengan perdagangan, perniagaan atau profesion anda, anda mempunyai tanggungjawab untuk mendedahkan apa-apa perkara yang anda tahu yang boleh mempengaruhi keputusan kami dalam menerima risiko dan menentukan kadar dan terma yang boleh dikenakan dan apa-apa perkara di mana seseorang individu munasabah yang mengalami keadaan itu mungkin dijangka tahu sebagai berkaitan, jika tidak ia boleh menyebabkan pembatalan kontrak, penafian atau pengurangan tuntutan, perubahan terma atau terma dipelbagaikan, atau penamatan kontrak.

Tanggungjawab pendedahan ini hendaklah diteruskan sehingga waktu kontrak dibuat, diubah atau diperbaharui. **Anda juga bertanggungjawab untuk memaklumkan kepada kami dengan segera jika pada bila-bila masa selepas kontrak insurans anda dibuat, diubah atau diperbaharui dengan kami, apa-apa maklumat yang diberikan didapati tidak tepat atau telah berubah.**

- Tahanan (wang) / Lebihan adalah amaun yang akan ditanggung oleh Pihak Diinsuranskan sekiranya berlaku tuntutan.
- Premium mestilah dibayar dalam tempoh tarikh Waranti Premium yang ditetapkan.
- Cukai Pendapatan (Potongan Premium Insurans untuk Pengeksport) 1985. Pengeksport Malaysia yang melanggan Insurans Kredit Perdagangan dengan Allianz Malaysia, salah sebuah Syarikat Insurans perbadanan tempatan yang terunggul akan menikmati manfaat dua kali potongan cukai pada premium yang dibayar.

6. Apakah pengecualian utama di bawah polisi ini?

Kami tidak mempunyai liabiliti terhadap kerugian yang disebabkan secara langsung atau tidak langsung daripada:

- kegagalan anda atau kegagalan mana-mana ejen anda untuk mematuhi obligasi kontrak yang dijanjikan kepada Pembeli atau dengan mana-mana undang-undang atau peraturan berkaitan yang berkuatkuasa di negara-negara berkaitan; atau
- apa-apa fenomena asal nuklear, atau bencana alam; atau
- perang antara dua atau lebih daripada negara-negara berikut: Amerika Syarikat, Persekutuan Rusia, Perancis, Republik Rakyat China dan United Kingdom; atau
- penamatan apa-apa pengagihan, francais atau urusan seumpamanya antara anda dan Pembeli kecuali kami telah bersetuju dengan penamatan tersebut terlebih dahulu secara bertulis; atau
- kerugian lessen eksport atau import yang anda alami yang menghalang pelaksanaan kontrak atau pembayaran hutang, kecuali jika anda dimaklumkan selepas barangan Dihantar; atau
- kegagalan Pembeli untuk menerima penghantaran barangan yang bukan merupakan subjek Pertikaian; atau
- turun naik kadar pertukaran dan/atau penurunan nilai mata wang jika Pembeli tidak dapat membayar amaun tambahan yang sepadan dengan kejatuhan nilai mata wang tempatan; atau
- peristiwa yang berlaku di negara ketiga di mana: barangan untuk Dihantar dan/atau perkhidmatan untuk Disediakan kepada negara ketiga tersebut; atau bayaran akan dibuat dari negara ketiga tersebut, kecuali jika kami telah bersetuju terlebih dahulu secara bertulis.

7. Bolehkah saya membatalkan polisi saya?

Pembatalan tidak dibenarkan atas mana-mana risiko yang sudah berkuatkuasa.

Anda boleh membatalkan polisi dengan mengemukakan notis bertulis kepada syarikat insurans. Setelah polisi dibatalkan, anda layak menerima bayaran balik premium berdasarkan jumlah bersih bulanan Pro-rata untuk setiap bulan yang belum dilindungi tetapi tertakluk kepada premium minimum yang dibayar di bawah Polisi ini. Tiada bayaran balik premium yang dibenarkan jika terdapat tuntutan di bawah polisi.

8. Apakah yang perlu saya lakukan jika terdapat perubahan pada maklumat perhubungan saya?

Adalah penting untuk anda memaklumkan kepada kami tentang apa-apa perubahan maklumat perhubungan anda untuk memastikan semua surat-menyurat sampai kepada anda tepat pada masanya.



9. Di manakah saya boleh dapatkan maklumat lanjut?


Jika anda memerlukan maklumat tambahan, sila hubungi kami atau mana-mana cawangan kami atau perantara insurans anda atau layari www.allianz.com.my.

Pusat Khidmat Pelanggan Allianz

Allianz Arena
Ground Floor, Block 2A, Plaza Sentral
Jalan Stesen Sentral 5, Kuala Lumpur Sentral
50470 Kuala Lumpur.

Pusat Panggilan Allianz : 1 300 22 5542
Emel: customer.service@allianz.com.my

  AllianzMalaysia

 allianz.com.my

NOTA PENTING:

ANDA HENDAKLAH MEMBACA DAN MEMAHAMI POLISI INSURANS DAN BERBINCANG DENGAN PERANTARA INSURANS ANDA ATAU TERUS HUBUNGI SYARIKAT INSURANS UNTUK MAKLUMAT LANJUT.

Maklumat yang disediakan dalam lembaran pendedahan ini adalah sah pada 01/03/2020.